

沅  
湘  
耆  
舊  
集

沅湘耆舊集卷第百五十六

新化鄧顯鶴湘臯編輯

湘陰左宗植仲基校訂

蔣徵士濂入首

濂原名滙字厚庵零陵人乾隆閒貢生嘉慶改元  
應 詔舉孝廉方正有師竹軒集二十四卷茲選  
其有關文獻者存之題柳記詩徵傷質直議論要  
自忼爽亦入記後不可少之作也

題柳予記後

楚南風騷地奇芬鬱蘭芷曠代矧多賢非忠卽孝子文章  
與節義一垂青史上爭日月光下並疑衡峙石旣磊砢

立人亦崢嶸似比較附權羞得不腐鼠視矧又誕大儒月  
孕崇巖裏石破天更驚瀟湘洙泗比永山氣佳哉偉人詎  
勝指伐石鑄姓字石罄難爲紀多石而少人儀曹語何鄙  
不聞晉楚匹多材敵所倚柰何吾楚人一記傳爲美何異  
謗其親醜然類不泚作詩正謬說甯遂光吾里誰爲張楚  
軍一洗斯語恥

弔胡御史

逆瑾肆毒日公時官巡按猗猗八虎焰當此誰不憚健遷  
諫旣調大夏老而竄夢陽幸救康守仁謫驛掾烜赫司禮  
門百僚跪流汗公以螳臂力敢向車輪扞索金意甚拂誣  
劾那得辨上疏罪姦璫霜氣生白簡立欲刃元惡憤論特

侃侃連章瑾俱臣矯杖肆鍛鍊下獄必殺之竟了風波案  
明知磨虎牙心石不可轉魂兮湘渚歸孤月白如練

### 弔唐判府

陽明講良知勲業特彪炳理學豈迂拘雷聲奮淵靜砥純  
磊落才學與陽明等近陸疑吳朱見道匪捉影掃去膚庸  
談獨闢眞實境高步跨塵俗氣骨何挺挺仗劍率諸賢賊  
來師遠請原注張獻忠陷永公郡邑賴恢復大功在衡永  
勝國倏土崩壯志難灰冷英英忠節公開府拋瓦礫遂殉  
贛州死萬古丹心耿至今江上魂餘波沈萬頃

### 蔣孝子

按胡御史名節以忤逆瑾死唐判府卽稚純先生  
死贛州之難紀事諸書失載二公皆有詩見本集

沅湘耆舊集

卷第百五十六

二

白刃蹈豈輕要在關倫紀天性自激發奚必讀書士危哉  
蔣老巫孝哉施孺子兵來翁受縛頃刻俱刀匕殺人充饑  
腸割烹等羊豕兒急跪語兵父瘦吾肥美釋父魂尙飛牽  
兒悲轉喜祇快父得活那懼兒立死非獨膽氣粗身替心  
安耳用其真切心自合聖賢理綱常萬代昭童豎千秋祀  
誰言螟蛉兒直可鳳麟擬所憾守陴卒殘忍竟殺此不聞  
姜肱賢兄弟爭死矣遇盜兩釋之惻隱猶存爾嗟嗟同城  
兵不仁何若是瞻像涕爲流淒風動湘水

按孝子零陵人名應鬻本姓施蔣師臯  
撫爲子順治初死父難師臯故業巫

書明尙書周元汀先生傳後

能與中官忤便知公氣節能爲民請命便知公腸熱華陽

宮扇徵閭里困難說作宰目擊傷檄下早嗚咽擢居侍御  
班倍取尤迫切抗疏救生民朝上夕貶決典史謫灌陽怡  
然任摧折竄逐身正榮再起高閭闕尚書聽履聲正色遠  
容悅時逢閹禍熾善類半剪滅遂坐奪秩還屏退甘守拙  
林泉自優游肯效書空咄有官忠讜彰無官志趣別重公  
豈在官清芬後莫歆

按周元汀先生名希聖字惟學萬歷己丑進士初  
令華陽邑故有宮扇之供歲不下十餘萬大為邑  
困公出俸錢佐之猶不支為之不食而泣曰為令  
而使民坐困何以令為秩滿擢山東道御史適上  
有信取宮扇之命瑞促所司甚迫公聞之拊膺大  
息曰蜀國矣今又倍之予令蜀時所不食而泣者  
今乃默然耶具疏極言謫灌陽典史歸家居十八  
年起太僕寺丞轉尚寶丞諭年以光祿寺卿典  
試尋冊封益藩還為右通政晉南光祿卿熹廟登  
極改南大理卿明年為南刑部侍郎齊庶人後廢

鑑與陳鼎相謀不軌公折其謀東南賴以不擾復  
平反其株連者甚衆考滿晉南戶部尚書魏瑄專  
政楚人應山首上疏痛劾公與應山深交應山得  
罪而公以凝重正色卓立南部一時正人君子倚  
以爲重瑄伺公不得絲豪矯旨削除公尚書籍公  
家居閉門不通賓客年八十五歲卒祀鄉賢

蔣貞女蘭姑詩

九十春光老燕鶯冷風荒經耐浮生何嫌浪跡人無賴只  
記同官父許盟出土筍苞先有節在山泉水本來清可堪

苦志白頭久猶自遲邀 綽楔榮

按蘭姑零陵舉人蔣鳳色之女鳳色官縣令時許  
字同官字守戎子文星文星流蕩不歸貞女依其  
身父終

敬題思潔公傳

戎裝匹馬走皇都想見孤忠浩氣噓赴難夜馳三百里辭

親血濺十行書老椿委命昭靈異大節全名定始初

原注公先

舉孝子後爲忠臣生桑梓得公天下重庸庸貴顯竟誰如

初命名詢不愧矣按忠諫公聞警入都一日夜馳三百里投繯致命在湖南館椿樹上樹甚著靈異此詩蓋紀實也

### 澹山巖

水石從來數永州澹山風景更清幽洞懸碧落雲千縷樹  
挂黃昏月一鉤半里晴瀾迴遠浦幾峯寒色抱危樓探奇  
元柳何偏置祇愛朝陽繫釣舟

箭山對峙一巉巖非假神工豈易鑿草徑暗通江上寺石  
門遙送雨中帆捫蘿客到凌青嶂採藥僧還倚翠杉卻憶  
道鄉經訪後老狐可再報機緘

朱歲貢怡典十九首



怡興字荔堂湘潭人嘉慶初貢生有學詩錄荔堂  
居湘潭之涓溪家貧授徒爲業嘯歌自適饔餐不  
給晏如也子鵬以隸篆得名亦喜作詩

嶽麓田家

茅茨亂峯深綠陰足清賞柴門有客至犬吠隔林響野老  
笑相迎行行曳藜杖坐我烏聲中禮數若吾黨春風香與  
來桑柘新年長炊煙竹樹邊嶺雲亦同往靜對滌塵心忘  
言物外想

露坐納涼

四更天未明披衣起待旦北斗正橫斜宿鳥時一喚炎歊  
已頓忘微風來天半涼露溼衣裾薄寒在霄漢昧爽衆星

收四野雞聲亂須臾望東方曉星光爛爛

晨起獨坐

夏日晨初起微涼襲衣襟暑氣夜半收清和靄庭除出看  
砌上花曉露映窗虛盥漱意從容獨坐體安舒俗務未接  
時心閒樂有餘

宿鑿石浦訪少陵草堂

少陵曾繫纜余亦宿江潭暮色今宵暗草堂何處尋彭衙  
翦紙淚夔府聽猿心莫問當年事臨風歎不禁  
爲客湖南久行吟遍水隈江山悲太傅雲雨弔荒臺多病  
緣憂國含情獨愛才月明猶未去欲薦渚蘋回

再詠二首

一生疲跋涉老未返鄉園流涕奔行在蒙塵痛至尊干戈  
終日鬪弟妹幾人存晚歲湖南道傳行不可論

稷卨平生志吞聲哭未休虎狼愁蜀道兒女憶鄜州老乏  
親朋字貧爲橡栗謀支離同庾信萬古共煩憂

小除日口占

殘臘先交隔歲春今宵况復屆靈辰買餠漸米搏官餅掃  
地焚香祀竈神八口共沾頤養福一鐙長伴笑黔新齋  
那有黃羊祭不比喧闐富比鄰

夜坐自遣

溪流一碧繞柴門月上東山宿鳥喧賈客帆檣都近市人  
家鐙火自成村幸無俗事妨生活賴有鄰翁共討論莫問

江村米貴賤春來雨澤遍郊原

絕句

月出千山靜雲歸一鳥斜有風鷹學習將雨蟻移家

子夜歌

縷金蟋蟀盆嵌空一何麗常攜懷袖中是歡親手製

臨湘道中

茅屋花開扁豆香幾家紅樹暮雲長籃輿一路秋山裏坐看歸鴉度夕陽

秋風落葉颺山阿野店蕭疏暮靄多白露零時霜欲下阪田猶自未黃禾

春日閒居雜詠

暮年結屋近漁村  
上市溪魚總過門  
閒向夕陽攤網處  
看他沽酒弄兒孫

伏勝

秦時博士漢耆英  
千古文章繫老成  
二十九篇藏壁在  
咸陽坑外一經生

閔仲叔

周黨廉名迥出塵  
太原高士更無倫  
遺來生藷何曾食  
猶恐豬肝或累人

陶通明

華陽洞口白雲叢  
綠鬢方瞳一老翁  
底事關心捐不得  
三層樓上聽松風

林道

西湖放鶴愛孤山封禪無書此閉關本欲逃名偏不得梅  
花詩好在人間

納涼

郊外行吟日已斜橋頭野店兩三家一園秋色無人管閒  
煞疏籬紫豆花

邱歲貢開來 十八首

開來字覺吾號湘漁黔陽人嘉慶初貢生有揖山  
堂詩集揖山居黔陽之煙溪溪在縣北五里西北  
流入無水迴環村落閒邱氏世居於此明季玉璫  
明經士琳隱居行義其中有浪雪軒戛玉亭諸蹟

頗擅林壑之勝黔人所稱月沛園者也邱氏之先  
以文學節義稱揖山殆猶不愧門風云

詩壇五君子詩

有序

予近立詩壇祀古來詩家五人以晉陶彭澤爲祖配以  
唐之工部香山次則宋之東坡放翁古今之以詩名家  
者多矣予獨祀五家者從所尤好也其人其詩皆非予  
所能希其萬一而高山景行若五君子者蓋未始一日  
去諸懷也予老矣貧賤僻處不克遊通都大邑徧交賢  
士大夫以求進於古之立言者茲年五十有四矣昔高  
達夫五十始爲詩以予之年逾之者四耳蓋未晚也旣  
祀諸君子將繪其像而先各系以詩甲戌冬至前二日

陶彭澤元亮

桃花源中客本不以詩鳴率爾寫胸臆獨見真性情飢來可乞食不義浮雲輕意將采薇蕨欣隨伯夷行嚶嚶古人志狂簡斐然成春風沂水閒可以得先生我醉把其詩坐對籬花清味淡而不厭辭質乃逾精以繼三百篇此調無能廣忽然天籟發是爲太古聲

杜拾遺少陵

工部豈詩人許身本稷契想其獻賦年康濟心何切不幸遭亂離家國淚成血發之於歌詩慷慨餘悲咽老去律逾細論文故卓絕豈特冠唐人百世爲圭臬一飯不忘君可驗平生節忠孝主騷壇敢弗遵軌轍



白太傅香山

最長於諷諭是爲白傳詩慷慨陳古義箴砭非一時特立  
黨人閒進退無瑕疵豈不遭坎壈寵辱心莫移累千萬餘  
言無一艱險辭此以坦白衷行其正大思纏綿感人心甯  
非敦厚遺夫何好異流以俗相訶譏快哉廚下爨解人乃  
於茲神歸兜率天何處求吾師

蘇長公東坡

坡公蜀黨魁千仞鳳皇翮辭章雄百代豈但萬人傑當其  
叱咤時觸手生霹靂有時露斌媚嬌施無顏色御風隘六  
合天馬號羈勒座上笑伊川目中無荆國古藻似昌黎天  
才配李白賈惠飯可飽和陶詩不劣後來文苑中誰敢設

縣絕是蓋古異人仙佛偶降謫我愛讀其詩用以壯心魄

陸劍南務觀

放翁生存日貌盡吳中扇想見好鬢眉一時雅俗羨六十年中詩萬首金百鍊堂堂朱晦庵亦復推壇墀弔公所遭逢家國事多變傷心憶沈園洒淚流京汴耿耿恢復心丹誠餘一片我讀先生集如見先生面談詩訾劍南謔語誰其先年來一瓣香敬酌寒泉薦

邑署周公祠改建落成之作

有序

海寧周公文暉國初以進士令吾邑遭叛鎮之亂閤門殉難舊有祠在署之東偏與外間隔俗稱社主廟無有知爲周公祠者晉江曾侯珏來權邑篆乃大其祠宇

并置祀產二所百有餘年幽光始發敬成五律四章紀事

挈家從薄宦捧檄慨當年保障時非易艱難地更偏峒方憂虎負身本藉蛟眠許國平生志何心望苟全

裂眦登陴日張髯罵賊時計難全骨肉死不媿鬚眉帝

闕情難達泉臺憾孰知艱哉民父母氓庶可能思自注公死事甚

慘百餘年始得題請祀名宦祠

舉室皆全節名垂此地尊衣冠無葬所壇廟有歸魂浩氣

聯賓從遺民作子孫英靈欣把臂合是蔡江門自注蔡忠烈公殉節

長沙從難者九人先生閭署就義後先輝映

念今絃誦邑昔是虎狼都功合崇專祀靈應降大巫新宮

昭肝鬻英魄振頑愚血食從茲永神祠有歲租

里神托帝楊氏於乾隆乙卯征苗顯著靈應事聞

敕封侯爵恭紀

自佳侯吾邑之托口人也事載舊志嘉慶二年錫三侯封奏摺誤爲漢

時人姓劉稱爲白帝天王蓋憑土人之言他無所據予補脩邑志斷受封者卽侯兄弟三人且著有考辨

一篇書  
次集中

尊何稱白帝威風著南天事績憑巫口生時誤漢年鳩原

三傑重爵號五谿縣英爽苗民懾從茲莫浪傳

懷柔歸帝德埽蕩著靈蹤生竝奇男子榮聯大國封廟

原勤禱賽神亦慶遭逢曠典垂無已谿氓永息烽

秋夜對月有感

梧桐清露滴蕭蕭步月深更意寂寥邑小秋聞供帳苦

自注

時福郡王極過沅邑自注時望雨正急兩湖兵

尊以差事赴大魚塘氣何時靖萬里秋光特地饒誰識杞憂非過計長街鼓吹

正喧囂

書懷

裹足名場已十年聰明端的遜從前老於鹽米都關慮賤  
有文章不值錢吟倦尙思鈔好句囊虛頗厭說良田孫兒  
學語慈親喜賴是庭闈樂事偏

自笑

自笑成童矜藻采那知垂老困饔飧荒年本是尋常事廢  
學先緣命運屯靖節苦飢曾告乞馮驩彈鋏恐無門虬枝  
坐對盆梅好依舊冰霜骨氣存自注盆花盡枯獨老梅無恙

督田夫車水口占

江海何因水盡封不施涓滴活耕農我思長劍誅妖慙誰  
與沈潭起螫龍小暑東南風淅淅大巫歌舞鼓鼙鼙由來  
聞闕呼難應孤負賢侯禱祀恭自注曾石友邑侯率屬親詣尖巖神壇求雨諸廟皆徧

聞散亭訃詩以悼之

儒冠一蹶竟投荒恰繼青蓮過夜郎世路無情多坎壈書  
生得福是疏狂已隨杜宇稱冤魄尙盼金雞返故鄉太息  
招魂親剪紙倚閭人更滿頭霜自注散亭家有入十餘歲老母

煙溪

風景居然似惘川桃源仙意落林泉憑誰寫向丹青看古

樹邱家四百年自注鄞縣邱至山學敏有古樹邱家圖與詩皆一時名筆吾玉琯隱君園林之勝已及二百年煙溪村古樹數十株則自始祖由江右僑寓此地以來所手植者蓋四五百年物也惜未得詩畫名手以傳之耳

沙隄園子障溪潮水落行人問石橋最好揖山堂上坐書  
鐙漁火共春宵

李歲貢承綱 二十六首

承綱字憲三號立齋寧遠人嘉慶間貢生有巽江  
草立齋詩鈔立齋不以詩名而詞旨清雋風調諧  
適一時號稱詩人者或反遜之

斑竹巖

九疑遠延數千里傳昔龍髯墮湘水二妃血淚臨湘揮竹

上分明今尚紫鸞馭當年過洞庭迤邐南向空山裏登壇  
慟哭柔腸斷至情感召非凡理舜源峯下古祠南遺蹤隱  
約猶堪指山花終古戀君王野鳥至今悲帝子嘉名肇錫  
自何人中天風景長如此頗聞好古劉長卿五字詩工過  
蘇李窮屨千載有輝光讀罷幽魂呼欲起我來憑弔意惘  
恍古聖精靈疑不死秋風林下珮環聲月明想像來芳趾

麓山寺碑歌

嶽勢南來互橫亘一峯秀出青嵯峨湘流潏潏向北去林  
巒隱隱涵清波晉代香林已塵土殘碑寂寞山之阿風剝  
雨蝕字漫漶誰其作者李太和當年碑版推名手六法况  
精猶與蝌文成作鎮兜率界走避魍魎潛妖魔遺蹟蒼茫



人代改魯魚亥豕多傳訛一千三百三十字奇古直逼碑  
曹娥詮材小生頗難讀後先議論爭訛訛或云北海妙文  
筆登山倚石親鐫摩或云江夏黃仙鶴是一是二煩言苛  
襄陽米老有真鑑元豐庚申會經過坐臥三日不忍去道  
人廣惠同吟哦明守錢公復好事短亭突兀安平坡公餘  
小艇頻來往珍重分明逾換驚逆數開元餘千載閱人塵  
劫如恆河中閒擾攘詎可道七尺至今無偏頗雲昏每聞  
林木嘯月暗疑有鬼神呵道鄉臺左書堂右夜夜光氣騰  
層巖山中蹟古貧神禹元夷入夢驚蛟鼉此碑後出相輝  
煥神物可貴當如何平居微尚托金石壯遊五嶽猶蹉跎  
朱方近在門庭下探幽幾度停輕艇金薤琳琅忽在眼

名別蘇三摩挲李唐書法幸未沒波撇點畫存  
戈君不見鴻都妙蹟既永絕石經諸本常差譌  
十鼓岐陽形質耳陳倉孔壁皆消磨俗書謬誤  
且日甚望古揮淚空滂沱斯文豈非有天幸千  
秋屹立迄無他安得子瞻退之筆一見心賞形  
詩歌登諸簡冊傳奕世白珩之玉奚足多

### 有庖亭

愛弟分封處江干尙有亭迴環瀟水綠隱現  
舜峯青傲蹟成千古疑團自六經如聞南幸日  
玉輦幾回停

### 熊羆嶺

乍度熊羆嶺疑臨虎豹關萬峯平戶牖一綫  
隔苗蠻民隱誰能恤天高不可攀仁言千古誦  
戴德永如山

自注謂趙忠毅公

湘陰縣

百里星沙近南來第二程嶽峯依郭斷湖氣繞隄生不雨  
雲常溼微風浪亦驚羈愁千萬縷倚枕若爲情

武昌

英雄百戰地幾度歷興亡江漢流無極樓臺迹未荒望歸  
庾老重才讓禰生狂望古思遙集臨風獨渺茫

丙午冬因事奔赴武昌離家後一日作

事宜投杼起人豈絕裾行雨雪愁應劇關河夢已驚一宵  
雙鬢改百感寸心縈不盡臨歧淚回頭未敢傾

蒲圻縣

環湖背澤國斗大見山城四望如孟覆高峯獨劍橫風猶

存古模世共樂 昇平失路塵埃久來過眼暫明

月夜望漢口

振古繁華地喧囂月下收坐看羣動息及此一輪秋清景  
誰能共淒涼自欲愁風塵何日了澤畔買漁舟

鄂渚雜詠

重鎮當年據上游過江百戰宿貔貅烽煙取次連瓜步羽  
檄禽皇自石頭天末孤臣同仗節月明元老獨登樓胡牀  
一嘯空千古清興於今更不留

南渡偏安國步移荆湖咫尺卽邊陲窗前未矯夫人詔闌  
外猶懸大將旗謀定兩河皆故土功成二聖有歸期土花  
故壘年年憾不到黃龍痛飲時

鐵佛寺

何年結構闢煙霞往迹分明記法華  
初地雲開金作貢諸  
天雨散玉爲花三朝衣鉢宗風遠  
五季兵戈劫火餘花木  
依然供覽眺會春園畔噪羣鴉

象物裴公說法留十年宰相嶽峯頭  
自來古刹多幽賞如  
此名山足勝遊坐久禪心生永夜詩  
成逸興落滄洲他時  
誰續湘南志好記清華第一流

懶灘驛題昭武將軍祠

江岸春濤怒未平楓林夜夜鼓笳鳴  
百年父老英魂在一  
死君臣大義明國事當年如累卵軍  
威自此失長城我瞻  
遺像懷青史合與周遇黃得傳共評

次駱補山廣文重游泮水元韻

五雲天半燦長庚思樂欣陪雅韻廣白髮升堂漢都講青  
袍列坐魯諸生平分桃浪雄心狂徧插芹香老鬢盈一笑  
詩成年八十君看擲地尙金聲

丁未新正偕同人登晴川閣

春風攜手問晴川逸興憑欄共杳然滾滾波濤江漢水茫  
茫人代漢唐年江山自昔饒清賞杖履吾曹有夙緣如此  
勝遊誰作賦莫將高韻讓前賢

綠天蕉和韻

想像當年手種初至今遺蹟遍僧廬禪心本可通頑石結  
習無端擅草書滿地濃陰蒼蘚合一天涼月碧窗虛莫因

幻境談蕉鹿累劫兵戈葉自如

星沙晤錢莊園將之常德軍府任述舊贈別

君趁桓公作急裝萍蹤我逐洞庭長  
暮雲回首皆千里秋水關心各一方  
此日去閒同是客他時出處好相望  
湖山自有千秋業莫認潭州是故鄉

鸚鵡洲

當塗事去卯金休鸚鵡名傳尙此洲  
芳草千年迷漢渚平沙一帶接巴邱  
多才自合身爲累不罵須知世亦仇  
對景無端思舊日茫茫楚澤總堪愁

桃花洞擬別

殷勤送別過前津握手相看幻亦真  
流水盈盈常遶洞落花

花處處白傷春重來或恐期難定後會甯無夢可親盛代  
卽今多問訊莫言中有避秦人

早秋雜感

自憐風味太僧生落葉初傳第一聲悶坐小窗偏記憶賞  
花時節到江城

露下添衣半臂寒月華纔上護花欄海天愁思知何限羸  
得新秋一夜看

懷人山寺花初放入夢江樓柳正眠不分秋光來去易斜  
風疏雨又三年

悲愁一夜雨霖鈴坐久微寒透薄櫺欲睡不能還倦倚破  
蕉聲在隔牆聽



題蘭州游草

黃河故道久荒迷萬里邊牆白草襲行過流沙重懷古不知身在玉門西

蕃戎阨塞首平涼方略曾誇狄武襄詠到瓦亭征戰績太平原不廢邊防

易布衣爾惺二首

爾惺字暢仙號贊湖湘陰人布衣著有亦愛廬詩草贊湖詩不多見所傳古體詩二首語皆名雋哭王弼人篇古雅真摯尤得樂府遺意

訪陶潛故宅

我過仙人橋爲訪仙人宅清風拂修篁流泉咽危石仰觀

白鶴山長松如振鬬下爲陶公居紅藤依古柏峭壁隱蒼  
苔懸崖印鶴跡劃然長嘯聲山谷如裂帛幽鳥喚遊人老  
猿認行客我生本好奇探討窮幽僻仙人不可逢茲遊亦  
奇特

哭從叔母王孺人

人死誰不哭哭分哀與傷不計服輕重祇論情短長我今  
哭叔母於服爲輕喪論情殊不短一述一霜蒙母視我猶  
子恩愛異尋常數日不見面扶杖倚門望一聞我聲音歡  
笑出帷房撫摩呼可憐爾近遊何方我軀本瘦弱憂我歷  
風霜我性素傲岸戒我近豪強我家故貧寒勸我耐饑荒  
厭我飲太豪憎我氣太剛喜我胸落落憐我視茫茫諸弟

及子姪相待如共孀分外相親暱異味不偏嘗今歲母七

十滿擬快稱觴適有遠行役感焉拜北堂母亦促我行臨

別終徬徨行行至里翁

自注西陽州秀山縣市鎮名

遙祝一瓣香及抵

西陽署叔祖遽云亡欲歸不得歸枯坐候秋涼記得八月

朔夢魂返故鄉登堂不見母舉室如悽惶不解玉璫姪無

端字書戕戈斤兩未辨質我爭偏傍煥弟忽持素加我頭

上忙爲言吾母壽兄未飲酒賢以此補前禮夢境何乖張

翻然卽驚寤自知夢不祥乃敬協于卜卜兆殊不臧中心

輓轡轉又如背生芒憾不生兩翼飛過千峯岡頃屣扶櫬

期草草東歸裝風恬水勢順半月抵羅湘登岸達里門兒

母喜洋洋暗想想母切感夢幻何妨未幾復赴郡告母母

猶康那知隔數日病卽入膏肓聞信卽奔走不辭風雨狂  
先夕甫告歸次日膠鸞翔嗚呼叔母情愛我真無量奄奄  
存一息必俟我臨牀此意如所生沒齒何能忘因知前噩  
夢畢竟非荒唐情苟極其至生死通肝腸慟極復自解無  
用徒呼搶所貴善母後母靈斯徜徉乃起慰羣從鄭重語  
且詳母壽屆古稀孫曾各昂藏安知百歲後墓左不焚黃  
惟願爾兄弟雍睦母參商子姪勤耕讀婦女務蠶桑恪遵  
母遺訓家道自繁昌但憾我力弱母託恐難當我生更賤  
跽母望恐難償嗟嗟言及此淚落已千行終天杳何極此  
身徒偃偃

沈湘老舊集卷第百五十六終

沈湘老舊集卷第百五十六終

沅湘耆舊集卷第一百五十七

新化鄧顯鶴湘臯編輯

湘陰左宗植仲基校訂

孫教諭葆恬

五十首

葆恬字劬吾又號少梧善化人嘉慶己卯舉人桃源縣教諭有心太平室稿劬吾性而介博雅喜吟與余蹤跡雖疏心相善也余客朗時屢書約遊桃花源未果既來訪余劇談信宿乃去別後旋以憂赴并率其兩世遺稿屬選余諾之唁書去而劬吾又歸道山矣其子鼎臣以狀及遺集來求墓銘且序其集爲錄存若干首其詩宗法甚正不事鉤

棘自爾蘊藉鼎臣英年績學卓有稟承益不僅無  
愧名父已也

讀史

信陵救趙兵私恩由女子餒虎倘見投一死鴻毛耳啾啾  
魯仲連大義折秦使如何三千人所見不及此詭計奪兵  
將避君愧晉鄙

坑儒儒不死焚書書不滅咸陽三日火餘餓乃終烈沙邱  
神仙骨長城天下血皇帝千萬世如何兩朝絕煌煌  
山嶽顛倒狂巖穴

天命不可違違天必不祥既不識時務設策亦乖方舞劍  
隨擊刺其事非堂堂一雙白玉斗慚愧鵠門觴乞歸後賢

死千載空悲傷

有力不能食吾自哀王孫豈有偉丈夫而受女子恩假王  
定諸侯幾同沐猴尊功成禍旋及慘慘鍾室昏生死由婦  
人恩怨從誰論

匹夫干天子荆軻真莽人留侯博浪椎無乃效其聲想當  
少年時意氣猶未馴不然圯橋上執禮何恂恂唯忍乃有  
濟小屈終大伸

示鼎臣頤臣

自吾祖宗世家無擔石儲雖愧通德門常多長者車縹緲  
奕世守韋布甘窮儒同時諸貴胄赫奕雄鄉閭舉簪薄肥  
梁被體厭羅襦曳綬盛童僕明璫光列妹歌舞不盡歡逐



隊微樗捕一擲判百萬零落同枯魚可憐創業難胡不遺  
詩書有硯可爲田有筆可爲鋤深習稼穡艱不愛子孫財  
吾兒鼎與頤頗知親簡蒲業患荒於嬉有終當如初譬彼  
璞中玉磨琢成璠璵譬彼冶中金鍛鍊成屬鏤宣尼大聖  
人學易心瞿瞿陶侃既貴顯運甓猶勤劬嗟爾不力學廢  
棄將何如沈思悟要道勉師前模

再示鼎臣頤臣

爲士如爲農服古如服穡始播未及時經營已亟亟耒耜  
一以集獲鋤慎勿忒或耘而或耔旣庭亦旣寔倉箱乃得  
登歲晚始一息六經四子書是爲壤之則漢魏迄元明諸  
史若溝洫下逮古文詩一一備種植螟螣稼之傷莠稗苗

之賊秉畀與棗杵無或隋其力稻粱積我場儉歲無飢色  
所以聖王田其理足於國

雜詩

憶昔就傅時予年初毀齒母課籌鐙前爲我紉衣履喜我  
讀書熟琅琅聲甚美曰兒家世貧而父館千里祖遺一卷  
書家聲仗兒起丈夫貴自立富貴憑諸已若襲祖父成決  
非奇男子兒今忝乙科愧不紉金紫稍幸能讀書不墜家  
聲矣卓哉母氏言子孫敢忘此

子野踞胡床橫笛奏三弄嗣宗登嘯臺發聲若鸞鳳風流  
傷名教已爲識者病絕笑巴中人好作下里哄居然附清  
流賡唱迭相送昔者東方生詠諧託諷諷畜之類俳優無

復禮貌重鄙哉祝欽明起舞態荒縱賤哉曹妙達封王亦  
何用羯鼓喚花奴嚶嚶百鳥呀

宜陽陳大令爲予同年友招予桓溫幕置予穆生酒令家  
廣親串不復知誰某衙餐殆百人壯佼雜老叟搏蒲六博  
場賭取好身手本來無業民如樗復入朽令忽解組去神  
似喪家狗唧唧鼠狐傳紛紛鳥獸走由來天地閒萬物無  
不有

執筆爲詩文賤同而貴異才力與性情深造各有至所以  
岳家兵運用存乎知陶公善用法恆得法外意請觀造化  
手生物盈天地草木不同華山川不同致彼其所爐錘妙  
不關思議真原有靈液取用長不匱

今年三十五已復非年少時欲著一書將以質同好無奈  
我欲言古人都已到牙牙拾唾餘徒滋識者笑惟此數首  
詩隨意供吟嘯不求似古人自具本來貌常歎東家施未  
必非娟妙強學捧心曠致貽千古誚我不爲東施毀譽亦  
妄校

蜀漢宮瓦研歌爲朱石禪作

成都火井慘不明炎劉社稷西南傾阿斗庸才真絕倒蜀  
都不樂此閒好斜陽宮殿滿蒿萊零星瓦礫邱園埋不圖  
一千六百載此瓦忽見漢光采土花碧蘚沈陸離松紋蜿  
蜒鱗之而朱君好奇兼嗜古寶之不曾鐘鼎彝張侯得此  
亦非偶我背見之持玩久人事滄桑有變更邱山華屋重

回首

自注此瓦張竹莊明府得之蜀中予十年前曾見之今竹莊沒數歲矣

魚水君臣帝與

侯錦屏城闕漢家秋艱難一足分金鼎北伐中原涕泗流  
三更棉裹平陰道一紙降書何草草天子倉黃向洛陽  
巴渝蕩盡無遺老江山蕭瑟劫灰餘荒村黑月走豺豭  
林葉落苔花長半鏡蒼涼隱故墟吁嗟鐵馬逐征顰銅雀  
臺荒路已迷憑將一滴蟾蜍淚灑向西風弔碧鷄

李石梧

星沅

勞星皆

崇光

赴禮部試作詩送之

孝廉置科始漢代古與此選皆人豪禮羅益盡天下選於  
卦曰泰連茹茅譬諸繆琳列方貢精金良玉歸甄陶維楚  
有才古所歎巨擘尤數李與勞周官名誥立典則黃鐘大  
呂鳴咸韶  
鑾坡賦成日五色藻續  
虞舜虞唐詩讀書

十年過千載豈以溫飽矜吾曹吁嗟我生信飄泊北地三  
度乘征輶長楊奏賦不得遇歸駕短艇湘江濤升沈自識  
有命耳且飽林壑嬉漁樵方今晴時廣甄拔搜剔仄陋詢  
芻蕘諸君偉抱濟時略致治豈得殊夔臯蒼生望爾亦已  
久行矣令德各自飭他時功成返初服重過雲麓相招邀

### 八陣碁

一聲霹靂臥龍起視吳如鼠曹如鬼橫捲胸中十萬兵圖  
成八陣填江水蜀江水勢連山奔六十四絕浮雲屯龍蛇  
烏虎變昏畫上構元象通三門木牛流馬世所怪頗疑製  
作傳非真此圖妙不關意匠神工聚會山神人出師一表  
泣帝座眞宰自足維乾坤吁嗟乎五丈原頭大星落一片

涉涉重有身  
老翁一  
王  
降旗沈劍閣  
火井無光  
江水寒石不能言  
風色惡  
巴船今日下黃牛  
猶似沿江鼓繁作

### 登岳陽樓

飛帆六渡君山前  
城頭一泊巴邱船  
登樓正好上元夜  
月色照徹平湖邊  
勝游回首已五載  
重來頓感流光遷  
雲土夢澤落襟帶  
江永漢廣相迴旋  
不知世界更何許  
混沌有水無坤乾  
茲樓一粟渺巨海  
滄桑亘古淩風煙  
神仙名士兩不朽  
勝概一藉文章傳  
先憂後樂屬何語  
直以宇宙爲行石  
尻輿神馬會九有  
須臾片念彌天淵  
靜觀萬物理  
適得以彼視此僧  
僧泉人生讀書志  
宰相要澤民  
物平垓垤我登斯  
樓輒內歛歲月坐負寒生  
羶衣食一身謀尙爾

粥夜嘆心茫然

晚泊

雲水平湖濶蒼茫少照斜煙輕不著樹浪小未成花炊火  
添漁舍柴關隱鹿車推蓬閒徙倚鄉路望中賒

自桃源至湖江月夜泛舟

百里朗江道輕艘一夜浮纖波平似掌初月小如鉤林火  
時明滅漁歌互唱酬鄉音時入聽有客話鄰舟

適館新平舟行雜感

森森蒸湘道憐予寂寞遊客心將旅雁生事託浮鷗清角  
吹孤枕寒潮上晚舟茫茫雲一片憑寄櫺江頭

客路無良伴蕭條晝復昏加餐難努力對酒易消魂白眠



隨當世青衫惜舊痕一生知己少寥濶不堪論  
慣與鄉關別其如眷眷情江山仍楚國風雨隔湘城計拙  
謀衣食家貧鮮弟兄可憐同夢者辛苦聽雞鳴

過衡山懷羅荆溪

紫桑劉子宅揮手嶽雲流別意憐芳草交情問白鷗一尊  
虛夜月雙槩下殘秋何限依依柳臨江結客舟

寄懷勞星皆兼簡李石梧

回首車茵坐緇塵京洛游離懷當旅夜殘月下簷澗衡浦  
無迴雁湘江有釣舟蒼涼寄生曲憶否五溪頭

自注前年與石梧同

五

獨沽頻成醉孤吟度曉昏夢中難識路天末易消魂陸鹿

思前迹飛鴻有舊痕自注余方何當今昔意把手一重論

勞星皆遊觀湘洲用子美何將軍山林詩韻見寄次

韻奉酬兼以寓懷

一葉泊湘辭

自注春間赴宜陽泊衡城一宿

雞聲散草橋衡光延九面雲

氣捲重霄記我臨歧別曾勞耄若招回頭東逝水江樹隔

迢遙

觸我看山興憑軒意不支藤花緣古樹芳草歇春池塵壒

紛難息韶華悞可知空瞻萬竿竹蒼翠日離披

征柁經過地芳洲薜荔花澄波浴鷗鷺沙嶼聚龍蛇拾草

情何極懷人望已賒從來愛幽獨卽此可爲家

閉關終日坐手貯博爐香蟬夢入清枕槐簾生午涼幽懷

不自適朋好日心藏極望盈盈水蒹葭猶未蒼

感舊

西園回首暗消魂曾對春風酌酒尊談柄乍揮珠錯落畫  
闌初上月黃昏平原玉貌非前日中散琴絃有舊痕多謝  
肉甘頻說士不才終愧齒牙論

雨雨風風極楚天萍蓬身世感淒然九疑遠看蒼梧竹三  
月愁聽蜀道鵑不分鹽車勞馬足幸無火色上鵞肩何時  
得遂林泉約歸向南山買薄田

漢南風景劇關心天外登樓別思深酒社詩場常落翼筆  
牀茶竈未銷沈江東豪氣仍如昨北海高風感至今送郡  
年年堪一笑頭顱曾不識朝簪

王恭長物祇絺袍京洛塵緇首重搔三月鶯花空旖旎五陵車馬太軒豪趙州澆酒思名士楚國披裘陋等曹惆悵舊游頻駐目莫天無盡朔雲高

漳河

西陵樹色隱蒼茫劫火空餘瓦礫場一代美人原草綠千秋華屋塞雲黃金甌有地藏紆骨銅雀無臺下大荒逝水悠悠渺難住英雄垂老最悲涼

衡州弔趙忠定公和胡問鵬作

南渡江山已不振扶天仗有老成人  
生判肝腦塗金闕死笑頭顱汚玉津  
一網全收無王氣九原何處起孤臣  
汨羅水與瀟湘水同是茫茫去國身

寄內

晚角霜清聲更悲，雲山竟夜入鄉思。  
鰲鹽井臼謀非易，風雨關河路益歧。  
多病每從愁裏得，家書常憾到來遲。  
何當對月梅花下，助我清吟酒一卮。

三月十三日憶石榴辛皆棣樓諸同人禮部試闈  
才命升沈判讓人一錢，那可濟清貧耳聾。  
更不聞牛鬪夢醒，何曾見鹿陳春雨打門。  
芸檠冷檐風吹燭，瓦鑪甕不知鵲立。  
長安客官樣文章，若箇新。

和張晴崖大令秋夜書懷用元韻

西風搖落向江城，獨臥空堂客易驚。  
一枕蟲聲邀月上，四山秋氣逼鐙生。  
官於苜宿中難熱，廉到漿蕪夢亦清。  
想見

孤吟清不寐自攜苦茗手親烹

年來蹤跡老天涯爲憶莼鱸思不支庾信江關晚蕭瑟陶  
潛薄宦久棲遲海門紅樹秋常早江北青山路又歧同是  
他鄉倦游客故園回首隔湘湄

碧天如水雁迢迢霜滿空林葉暗凋萬里關河秋色遠廿  
年湖海壯心銷韶顏漸改看明鏡塊壘難平付酒籌時命  
升沈且休問此生隨分老漁樵

水國蒹葭入渺茫一年容易感流光閉門草長深林雨繞  
郭山多近夕陽惜別經時楊柳綠撩人無那菊花黃颼風  
且莫空惆悵同向籬邊一舉觴

秋懷

鳥飛兔走便滄桑世事年來半渺茫  
過眼功名真傀儡回頭門館益淒涼  
壘鹽風味貧家慣琴劍生涯客路忙  
不道堂堂忽春去可憐孤負好韶光

七夕

一負君王十萬錢年年碧海怨青天  
情於兒女原無極別到神仙亦可憐  
故事何心念瓜果因緣從古惜釵鈿  
銀河不滿波千尺愁向雲間問渡船

古意

人道似蓮花而識蓮心苦蓮心密復深  
蓮花不能語  
聚如蟻鹿同列似弦虧月三百六十旬  
難圓容易缺  
漫與

洞庭秋水浙江潮  
詩思年年付酒瓢  
犀首何爲竟無事  
天星終古接南杓

醉臥江村氣不平  
前山白草莽縱橫  
短衣匹馬尋秋獵  
射虎歸來月三更

書感

乍寒時節客心孤  
瑟瑟空庭落葉鋪  
天上浮雲如絮薄  
隨風吹去總模糊

庭尉門前雀可羅  
繁華往事付流波  
城東舊有公超屋  
池館分明入夢多  
自注老屋數椽十數年前已屬他姓時後子時所居遊手

磁州



十畝秧田間麥田水波如掌一溝連憐他官道垂垂柳絲盡磁州四月天

舟行野興

草根蟲語響啾啾隔岸晴雲晚不收村落影斜人散亂一枝輕槳下寒流

楊舉人大章

三首

大章字海樵武陵人嘉慶己卯舉人有海樵遺集海樵與余同出咸寧許勉先生門負才早卒生平作詩甚易好詩甚多全稿未見僅從其從弟齊農手得古近體詩數首中有遠別離和太白元韻今從刪

湘妃怨和孟郊原韻

鬱鬱九疑煙盡是幽愁積湘雨泣蛾眉雲黯天無碧至今  
化雙峯秋露立貞魄月色綠蕉天風影搖蘿席荒祠空薦  
馨靈心愀脈脈石嶂自秋空古意照晨夕

湘中古怨和李羣玉原韻

楚雨葬重華湘煙囓二女九疑空復青瓦棺何處所血淚  
滴寒山哀風吹暮渚至今斑竹痕點點愁秋雨

赴郴州經九疑山和戴叔倫原韻

蠻月挂青樹荒風吹綠林雲經三楚溼天入九疑深古洞  
門常閉陰崖路自尋雨過斑竹泣紅淚落猿吟

易舉人緒一首

縉字

新化人嘉慶己卯舉人

秋晚過木山舖

一鞭秋樹外十里暮雲高野水春杭碓人家壓酒槽霜寒入山骨風勁卷溪毛獨聽孤猿嘯悲聲激楚騷

鄧教諭光禹

十七首

光禹字冠雲寧鄉人道光辛巳舉人澧浦縣教諭有餐源山房詩草十二卷冠雲識余於三十年前其尊人賢拔爲西老諸生也與余敘宗派爲兄弟行故冠雲叔戎自余官寧鄉蹤跡益洽每見必以詩相贄嘗哀其全集乞余審訂作序意甚勤皮索頭五六年矣未及爲冠雲自澧浦歸索去不久旋

卒頃從其子蔚春索得原帙爲採錄若干首

簡宗叔湘臯學博兼呈哲兄雲渠先生

苦岑一氣感吳味固不殊柿柎兩意親根性固不渝吾叔  
南村翁觥觥古碩儒擢辭藻魏晉譚道規皇虞相知三十  
載相思天一閤資水綠渺瀰瀰峯青鬱紆閒雲無定在流  
水無定趨未知何歲月杖履重相於悵望天半霞幾度碧  
成朱

飛雪帶春來桃李心先喜繫公曠代才一瓊何乃爾未接  
公笑談已探公意旨行僧行已疲俗吏俗可恥玉堂何寥  
廓冰署聊清矣况茲新槐市猶是舊梓里公意自安之我  
懷更仰止不任足趨趨徑欲通名紙公聞倒屣迎笑認非

耶是

酌我酒三升滌我塵一斗縱譚當世賢尙論千秋友公才  
十倍奇公志三不朽英靈聚豪素精魄動山數著作富等  
身包羅及衆有耶但以詩傳詩已不脛走公生有至性棧  
塢日相守耦耕聽雨圖傳徧海內口謂我亦宗支合是好  
身手感公駐青眼慚我將白首四海一子由兼訊東坡叟  
送蔚春歸里兼示葆春

迴旋古梅尚屈曲羊腸路迢迢七百里言就此冷署我到  
夏之初汝來春則暮膝下曾幾時廼徑舍我去我羈汝緒  
牽汝歸我心注年來衰意迫骨肉增顧慮搖搖風中旌飄  
飄路傍絮吾生亦有涯歸根此何處孤鐙耿長夜離愁未

忍誅傾將方寸丹機徧一尺素

鬱鬱雙松高乃在南山嶂蟠紆元氣中蒼翠百丈上老親  
荷天健年髦神猶王杖履自寬閒心精殊澹宕我我龍門  
桐孫枝絕依傍廣蔭護虛庭清音發高唱老人無多求要  
令胸懷暢我宦隔晨昏汝歸虔奉養服食尙潔馨問視無  
疏曠熟讀陵蘭詩慰我孤雲望

有官非寶酒無文織蘇蕙居室過卅年踴行委爲弟鬻育  
五男兒乳哺兼紉綴凌雜問米鹽簡儉罷珠翠卽今有三  
婦勞餘思小替仗汝爲家督提攜到諸弟佳兒撐門戶佳  
婦主中饋霽月照庭除清襟消芥蒂涼秋八九月稻熟金  
風利汝母暫來止偕行及兩季去住亦隨緣遲速不須計

下言客中歡上諸堂上意

竹孫長濃陰蘭孫吐清馥陰成下畝豐腹儲九畹沃君子  
重所抱拳拳在似續荒年賴爲穀豐年賴爲玉家孫已八  
齡賦質亦清淑預禁在牯童姑息乃猗猗訓循顏氏勤法  
效柳公肅但須漸陶鎔豈在苦鞭扑十暴不教寒三餘肯  
俱足勤幹守家風韋機望攸屬

我少弄柔翰暇餘佐家政蟲拊心幾驚鴟毀氣尤勁長河  
風雨深盛怒蛟龍奔補牢羊僅存賴尾魚乃病吹冷原懲  
羹腹坦尙疑竇祇今習晏安無乃忘箴儆神人道惡盈明  
哲心居靜狼貪負負天蟲耗亦違性魯齋重治生所以惜  
福命俯仰有餘懽風月得佳詠

山鬼妖燄長射工箭鋒秘翼虎嘯窮山羣狐奔獻媚白日  
黯無光黑符巧爲祟傷哉同生侶難發那堪避蟲蠹枉叩  
頭螳強空奮臂慣教蠻觸爭坐收鷸蚌利幾箇好家居撞  
壞誠自累井落石忙下舟漏水海至愧無手可援未免心  
常悸枝葉苦半摧本根且孤庇彼忘雷電驚我防山埵躋  
邪氛遠德門劫塵銷淨地

離居二三載合併良獨難甘苦各有節離合那可安變化  
在時事轉運勞心肝譬彼琴瑟然妙手神獨閑膠柱實難  
鼓改絃寧易彈慎顧往來際細檢出入閒肉羶虵蟻集木  
朽蜂蠆鑽鳳巢鴟漫攝龍穴蛇乃蟠醢雞貪醉夢堂燕忘  
憂患物態苦多累人謀亦孔艱當餐常念饑未秋先思寒



步林不書集 卷第一 五十一  
交持夙夜心永維室家歡

湘臯先生惠寄南村詩集長歌奉簡

樽桑日出紅滿天驪珠夜吐白竟淵文章要得山水助肝  
肺直須冰雪澗先生所學萬有備先生之詩衆妙全鍊入  
斗才歸一治東萬枝筆爲一椽我欲測所自望洋心茫然  
但見少陵聖太白仙李賀鬼賈島禪昌黎怪變造平淡坡  
谷峭異皆生妍當其落筆風雨快紙上颯颯精神傳諸家  
魄力無不到諸公面目都已捐小別剎那二十載奇作遽  
有千餘篇愛之令我心欲妬讀之令我口流涎落月那便  
見顏色揮毫但想如雲煙春風一夜天上來雪花掌大迎  
吟聽生香滿院新桃李樂意家林舊梓梗頃貼一匹錦繡

段勝獲百琲珍珠船賤子碌碌復何有但搔華鬢張空拳  
頑骨要藉金丹換醜婦或得尊嫜憐軟風吹春草芊芊柳  
絲搖絲心聯絲徑須泥首佛前乞彈指現出佛身百億千  
朵蓮

食蓮心二首

天然花絕俗結實亦幽貞自抱芳心苦誰憐素味清九熊  
懷舊愛習參愧今情棄擲應堪惜嘗來百感生  
世味蜂爭釀書厨蠹自餐此心同碧淨入口帶秋寒澹合  
談風月清宜沁肺肝人情嘗透處何止是辛酸

山齋漫興

淨埽塵襟暢遠懷箇中風物稱生涯水留花月冰壺住山

沈澹齋集卷第一 五十七  
擁晴雲玉筍排安命未煩詹尹策清心不繫太常齋年來  
嶮巇銷除盡步履容吾處處佳

未卜文章列上官丹鉛聊復耐辛酸明珠有曲因心貫錦  
瑟無端盡興彈語不性情休著迷身緣氣骨得平安小園  
芟剝閒花草畱取清香是蕙蘭

冬暮書懷

緒風颯颯鼓殘冬怯向園林策短筇梅勒蜂憐春故晚巢  
寒鶴訝雪全封著書歲月閒中老看劍情懷病裏慵還有  
愁魔漸入夢驚回耐得五更鐘

夜起

澹月沒林臯疏星耿天宇起坐寂無言靜聽秋蟲語

徐舉人颯六首

颯字韻泉湘潭人道光戊子舉人有鄂不廬詩存

黃陵廟

游瞻洞庭渚君山擁螺髻恂悅乘回風靄脩瀾嫋瀾觀型  
緬疇昔元德成古帝鬱郭九疑山相思杳無際斑斑竹上  
痕隄側空流涕神雷湘水旁祠宇鑿空翠古碣照白日中  
洲豔荃蕙敬讀碑中辭芳馨薦椒桂

馬希範銅柱歌

五季擾擾事征戰羣酋都老蠹楚甸羽書一夜來天門怒  
髮冠衝九龍殿上將擁毛麾大軍旌旗蔽日何紛紛羣蠻  
聞之膽先懾手持白刃不敢接連營疊騎飛溪州早見降

旆懸敵樓士然告憊師曷服馬前獻捷軍容肅飲至當年  
策大功巋然一柱森青銅雲臺山前限南北邊塵久靜黃  
茅塞年代蒼茫感慨多行人著手爲摩挲英雄割據尙如  
此况是將軍馬伏波

漁人圖

荷笠者誰子乾坤一竹竿醉鄉容大隱水國有餘歡釣得  
琴高鯉歸來嚴子灘柴門紅樹裏返照半江寒

過馮輔堂得月山房

何地夜無月幽人先得之遙光懸屋角涼影墮花枝高閣  
宜吹笛虛窗舊有詩平生愛清景坐到漏深時

題臥月圖卽寄臥月主人

清磬數聲寂桐陰滿地涼當空湛明月一夢小滄桑流水  
禪心定松風道味香何能出塵世其證黑甜鄉

族館題壁

幽莽事行役萬感叢憂端所得斯何爲起坐心爲寒

史訓導承堦二首

承堦字陞臣龍陽人道光壬午舉人借補衡山縣  
訓導卒於官陞臣爲趙文恪公子壻是集已刊成  
始從友人處得其詩二首因續入是卷之末

舊將

經綸草昧舊登壇國士酬恩試據鞍盪掃風霾開宇宙捧  
持日月出艱難天心自相真龍起戰骨渾忘匹馬寒從此

太平無一事劍癡笑向五湖看

病馬

突兀如牆豈絕塵華陽誰識病麒麟  
紫花隱約天閑印血汗蒼茫塞草春  
萬古凡才空蹴踏千金朽骨自精神  
卻思青海擒王將且作藍田射虎人

陳訓導樂光三十八首

樂光字太霞武陵人道光壬辰舉人善化縣訓導  
有太霞詩鈔太霞以乙酉優貢武英殿校錄得官  
與余爲同僚其舉於鄉也與同縣楊杏農湘陰左  
仲基兄弟爲同年又同仲基出余友鎮海胡竹安  
刺史釣門諸君皆用名譽顯於時竹安則老舊前

也然皆不言太霞工詩惟余朝夕過從亦不知其爲詩人也暨余主講朗江太霞以憂歸武陵往來益密余去朗之日諸生競賦詩送行太霞亦立賦二章見贈余訝其速亦未遽測所詣也頃杏農以書來告曰太霞死矣搜其遺篋得詩數百首殊異乎儕輩所爲詩者亟取閱之乃歎前此知太霞淺也太霞詩不事瑣飾於晚近叫囂之習纖佻之態絕無有焉顧以余之好事習於太霞必待其旣死乃知其於此事有專詣則並世之人其不爲吾所知者定不無矣况數千里而遙數百年以上哉可慨也已



長歌行

有生有愁苦多壽多煩煎魯女解憂國杞人猶慮天老聃  
身化胡棲棲垂暮年方平住蓬島且虞滄海田人生具知  
覺豈必殊神仙近憂尙可釋遠慮難爲捐何弗生厥後何  
弗死厥前乃以不死故甘受愁拘牽笑謝延年客長生非  
美緣

長歌續短歌

長歌續短歌長年續短年歌喉添宛轉年壽增縣延曼聲  
令人喜促節令人憐不斷若流水祝君年萬千只愁烏跣  
疾一日一周天丹顏與俱逝難繫朱絲絃願將歌者意宣  
諸司命前

雜感

桑飛名女匠未審工何工與父稱守瓜性乃螟螣同采名  
不采實周璞難爲攻務華不務實淩霄如斷蓬觀人與觀  
我先哲心忡忡

蝓蠃游層波遇人深自藏一朝化爲蠹反以貪見傷狃狼  
巢密藪豈爲夷獠忙一朝受酒絮不啻獲與賊生者忘所  
勞死者忘其殃嗟嗟身世開何如守吾常

凌晨陟岡巘遙望長河濬河細東如帶高源落天紳隄障  
厚且多土解無遠巡不謂河洪溢翻爲蛟龍噴杯水覆堂  
坳安得嗟沈淪螳垣禦決渠那不成通津曲防適自害夫  
誰愚斯民

人心多頗側世路何嶮巇魚以潛見獲鳥以飛見羈潛者  
有芳餌飛者有翳媒投其性所好安能身見遺奈何倖免  
者自謂能知幾

我觀古烈士罔不捐其軀我思南方強願隨君子唇舌存  
齒先折絃疾韋自徐且受市人笑淮陰真丈夫

所悲

三才不失職雖做稱輪完百足不得僵雖死身亦安人生  
有不死乃克長年歡所悲守薄植飽煖忘飢寒偷生若蝼  
蟻食息聊自寬生徒糜梁粟死徒膏榛菅

隨遇

問我何所之我之石戶前勑來不離手地骨犁作田鼓吹

在官部果得肉糜養木周與兀兒晚復同穴眠淵明不得  
醉豈非歸去年人生適所值何必煩吾天

追和湘東王春詩次原韻

望春春不至畱春春易過春思春雲密春情春草多春草  
趁春深春雲逐春變歡教春女歌愁怕春人見春山得春  
早春樹隨春新迎春問春信春懷何處申春好春沽酒春  
眠春惱人春色年年是春游處處期只憎春水發爲憐春  
去時

歎老二首卽用白香山詩韻

因病自憎老豪情愈落寞我生何早衰齒牙久脫落有若  
磨刀石日損不自覺積漸成窪凹始知薄于昨忽思蒙莊

言生不如死樂塊然支牀龜苦于華表鶴冥然蓮舌鳥逸  
于銜石鵲老卽樂者幾休求不老藥

古昔求仙人死守山中樹後之歎老者又學壽陵步只聞  
雷姓名曾未遇且暮天下無神仙世閒豈長住月魄有虧  
盈物態有新故老亦何足歎一病死生悟

用白香山村居臥病三首原韻

病起春初來病閒春已暮皮皴毛髮焦肉瘦筋骨露大勢  
雖漸平餘殃戀未去庭前紅白花俱成綠陰樹不知青帝  
心何以去不住攬鏡始自驚今我亦非故

先我病有人聞赴北邙道後我病有人又埋原上草我病  
尙未死縱死彼猶早念此竊自幸盎然春在抱無病生亦

佳旣病死亦好已達生死觀何須問莊老

種蘭苦不長種芝苦不大每將病葉翦忍爲當門刈艾正  
尚可熏蒿邪莫爲菜感物念三兒憂深忘衰瘵長者年十  
三次者行九歲少者甫四齡終生若爲計

遣病用香山沐浴詩歌

香山年四十因病衰肌膚我今四十三宜其衰有餘况復  
遣病豎坐令臟腑虛身穉已如柴髮短難容梳一病自歲  
首行將四月初旣不處膏肓戀戀終何如

贈馮此山三首

聞君作詩動盈軸語帶煙霞越塵俗思險能騎蝴蝶魂氣  
雄已縛麒麟足欬唾時時落九天幾許丈鯀孕珠玉

聞君作畫思致奇能以天趣先人爲王宰近日有眞蹟鄭  
虔前身眞畫師往往置身萬峯頂問君臥遊遊何時  
聞君作字大如斗英竇叱咤萬夫走細筋已得瑯琊顏新  
樣復雜元和柳有時捉刀如捉筆金石刻畫尤無偶

湯雲仙讀書小照

二極交根秘符啟觀易當觀未畫始男兒讀書有奇悟眼  
底何從見餘子碧峯海面靈書懸五丁夜走蒼龍眠由來  
至道外章句問君何事搜殘編手把芸牋若珍璧中有粉  
蟬未養字遙情上契幾何代元氣融融墨華經邇來淚隨  
四目頽金泥莫補媧娥缺瑤華滿乘飛寒灰故紙成堆復  
何益我昔與君共年少白鶴出日紅鏡笑丑雲閣上大羅

天擬度霓裳吐懷抱往事經今幾彈指仍復生悲亂書裏  
若能妙悟空羣言我欲勸君棄書起

次王琴查贈詩原韻

日判牢愁日舉觴自排杯勺自評量除憂願作糟中肉醫  
妬難尋肘後方世事由來駝腫背人心誰似蟹無腸相憐  
我又同君病且共高歌問杜康

江鄉晚步

軟沙隄路樹迷離一縷斜陽欲暝時紅蓼花明青簪暗烏  
鵲影疾白鷗遲炊煙透瓦寒杉屋山色窺人苦竹籬誰寫  
秋容助吟興碧天無語暮雲知

洞庭湖



鼎湖神火鑄蒼冥廣樂曾張古洞庭已斷笙簧惟月白如  
聞吟嘯見山青波涵蚌腹珠帆濶雲隱龍髯水氣腥寶瑟  
不鳴誰嗣響江天回首望湘靈

秦人洞

不埋地市不城邊過盡狐鳴鹿走年飢世可逃非作隱外  
人未解自疑仙漁郎道路難重問處士文章有意傳記取  
篇端標晉代榮萊何必異桃川

滄浪亭

有客懷沙臥未醒短歌空倩老龍聽濯纓濯足都陳迹湘  
北湖南更幾亭霜鬢可如江水綠煙簑應似楚山青扁舟  
不繫問茅在冷月寒雲貌古形

仇居婦翁後宅感成

莫歎機雲老屋荒  
城西新築晚霞堂  
願成宅相憐豚犬豈  
好樓居引鳳皇  
蹤跡儼同秦壻贅  
襟懷猶是楚人狂  
幸餘一事誇行路  
無數書廚抵宦囊

湖鄉五首

脫袴不須憂布穀  
不須喜爲農兼業  
漁終年住煙水  
大姑入廚下小姑立門側  
老婦當場守新收  
十斛麥  
春陰休種瓜  
春晴休采茶  
畱取纖纖手  
終朝長績麻  
歲歲插湖田  
見禾未見穀  
昨夜沒隄腰  
今晨浸牛腹  
水漲富家憂  
水退貧兒樂  
湖西千頃肥  
何如一網泊

反游仙

萬令丹砂竟子虛一官勾漏老荒隅看人撒手朝金闕猶  
抱眞形五嶽圖

何處胡麻一飯陪落紅如雨隔天台好花滿地無人埽未  
必劉郎肯再來

已過瑤池百日春枉憑圖畫喚眞眞神仙小照分明在未  
信丹青誤美人

芙蓉峯頂女踟躕一餌松脂便得仙自笑爐前陶太白金  
丹七返是何年

淮南雞犬亦同昇何事燒鉛術不靈從此枕中鴻寶外別  
懸劉向覓丹經

桃花源圖

編茅舊任武陵涯  
楚樹燕雲幾歲華  
自笑輪蹄銷鐵盡  
牛生游興負桃花

昔人避地爲逃秦  
治世翻思避地人  
解使溪山入圖畫  
碧雲紅雨自長春

崔舉人秩四首

秩字星社寧鄉人  
嘉慶己卯舉人有  
星社詩草星社亦  
有時名詩甚多殊  
少入格者其弟詒  
新法葺出其遺草  
屬編爲採錄數首  
補入

雲岫先祠有述

我幼謁先祠恭讀  
宗老記家世傳累  
葉祖澤尤遠被及  
我六世前兵燹丁  
明季諸生殉學宮  
一死完名義我祖  
獨先

識超然思遠避棄書藏青衿築廬署僧寺雲岫出無心倦  
飛明高志學家奉高堂合室翦林寄青山石柱旁無慮窮  
寇至僧寺信晏如三載舊廬翠子婦攜孫曾鄉族稱祥瑞  
肅肅雲岫祠今日將祀事家乘述前聞來舅承蒙庇忝予  
讀祖書聞言增涕泗幸生承平日春秋度容易先人卜築  
時遙情盼後嗣何以告升香明發凜寤寐援豪述前聞是  
用常自識

秋懷

秋懷長似螭蛄鳴古渡斜陽曠野晴黃葉有門邀客過白  
雲無地傍人耕葭渚水國遺珠渺雁陣天衢寶瑟鏗珍重  
百花欲更東籬霜幹撥新英

不盡流光萬古情紛紛落葉逐風縈秋雲塞草黃塵肅夜  
月江蘆白屋清飛傍誰家猶有燕墮來空院更無聲重操  
孤管憐才盡感慨韋經誦邁征

與歐陽見田散步郭外

人閒真樂古田園未有深山許閉門繞郭垂帘聞古戍沈  
碑宿草冷秋原英雄淚盡憐癡想汗漫遊多耐細論高樹  
欲牆窺野廟雞豚社後話鄉村

會舉人惟亮一首

惟亮字篤貞一字功甫新化人道光壬午舉人有  
功甫詩草功甫家貧好學刻苦自厲好作詩頗不  
入格是集刊成始從敗簾中檢出爲補錄一首於

是卷之末以存其人

九日思歸

終日思歸未得歸故園風景記依稀  
頽牆舊借蒼藤補破屋新栽紫竹圍  
芋栗有收非歲歉兒曹無過卽家肥  
今朝且赴登高約好載茱萸款石扉

陳舉人開常一首

開常字夏萍涇鄉人道光己亥舉人  
家貧好學落拓不羈年逾四十始舉  
於鄉旋客死揚州喪還過彭澤遭風  
沈於江久之僅得舁而詩稿已漂失  
不可復跡矣茲從其家得一首錄之

山齋秋夜

蕭瑟秋聲葉滿庭沈沈簾影一鎧青雨  
搖薜荔嘯山鬼風颭芙蓉飄野螢  
世事乍驚蓬鬢改客懷難遣酒杯停  
年來離下生涯薄擬把長鑱刷茯苓



汾州府志卷之五  
一百五十七終